

per persunas d'instrucziun, mainascoulas e cussagls da scoula

Nr. 3 2023/24

Part generala

Gruppas accompagnantas 'Digitalisaziun': Fin da las activitats

L'USS/AVS ha decis da terminar la lavur da las gruppas accompagnantas 'Digitalisaziun'. Il barat d'experienzas tanter las gruppas accompagnantas ha d'üna vart servi a l'USS da surgnir datas qualitativas per s-chaffir sportas da la fuormaziun supplementara per persunas d'instrucziun sco eir pel sustegn professional i'l sector 'Medias ed informatica'. Da l'otra vart pon gnir definats prossems pass in connex culla digitalisaziun. Davart ün'eventuala installaziun d'ulteriuras gruppas da lavur cun persunas d'instrucziun i'l sector da la digitalisaziun in avegnir decida l'uffizi tenor bsögn.

Evaluaziun dal rom 'Individualisaziun'

I'l 5avel turnus d'evaluaziun (VPS 2021-26) examinescha l'inspektorat da scoula tanter oter la realisaziun dal Plan d'instrucziun 21 GR. Parallel cullas evaluaziuns da scoula vegnan focussats pro las evaluaziuns da rom quels roms chi sun gnüts introdüts nouv. In quist connex evaluescha l'inspektorat da scoula in avrigl fin gün da quist on da scoula il rom 'Individualisaziun'. In tuot las scoulas cun s-chalin sec. I vain visitada la 9avla classa. Ultra da quai vegnan consultats scolaras e scolar, genituors, las persunas d'instrucziun involvadas, mainascoulas e singulas instructuras/singuls instructers d'intrapraisas da giarsunadi. In occasiun da la prosma sezzüda da quartal survegnan las/ils mainascoulas infuormaziuns detagliadas.

FSI 'Sclerimaint sexual'

La SAPGR ha per incumbenza da l'USS/AVS s-chaffi üna fuormaziun supplementara davart il tema sclerimaint sexual.

Quista sporta po gnir clomada dals portaders da scoula pro la SAPGR sco cuors FSI. Differents moduls chi's laschan cumbinar stan a disposiziun. Per ch'ün approfondimaint intensiv dals cuntgnüts possa gnir garanti vain calculà almain ün di per elavurar ün modul. La definiziun dals cuntgnüts e la planisaziun da termins succeda i'l rom dals discuors da cussagliaziun tanter la SAPGR e las/ils mainascoulas.

[Incumbenza Widmer \(Favugn/Felsberg\)](#)



[Sporta cuors FSI](#)

KlassenschlaGR

Il KlassenschlaGR spetta sün vus: As partecipai sco classa (4. – 9. classa) al cumbat virtual ed as qualificchai pel final real a Domat ils 3 gün 2024. 14 exercizis sun prunts, e mincha classa decida svesch che scolara o che scolar chi maina il cumbat per avair las megltras schanzas.

[Infuormaziuns supplementaras](#)



Ajer frais-ch per cheus svagliats

Impustüt d'ürant ils mais d'inviern illa perioda da s-chodar esa important per la sandà da dar ajer cuort ed intensiv. Bun ajer ha ün effet positiv sülla prestaziun e la concentraziun da scolaras, scolar e persunas d'instrucziun. Cullas drettas masüras pon las scoulas garantir da maniera insistent üna buna qualità da l'ajer illas localitats.

[Ulteriuras infuormaziuns e tschegns per dar ajer](#)



Viadi da scoula illa fortezza dal Gottard

Il departamaint d'educaziun, da cultura e da la protecziun da l'ambient ha sustgnü al museum Sasso San Gottardo cun ün import finanziel in occasiun dal giubileum da 10 ons. Sco cuntramasüra s'ha il museum oblià da spordscher bigliets d'entrada per ün predsch redot sch'üna scoula dal Grischun visitescha las exposiziuns dal museum Sasso San Gottardo. Sül la pagina d'internet dal Sasso San Gottardo as chatta ulteriuras infuormaziuns davart quista sporta grondiusa.

[Infuormaziuns Sasso-San Gottardo](#)

La valor da l'aua

S-charsdà d'aua, inuondaziuns, access a l'aua, aua virtuala... l'aua es ün tema important. Cun numerusas dumondas, impuls concrets per l'instrucziun, medias d'imprender, films, exaimpels da la pratcha e sportas per dadour la scoula güda il dossier tematic 'Aua' a respunder la dumonda 'Che influenza ha l'aua sül pajais e sia populaziun?'

Persunas d'instrucziun chattan pussibilitats interdisciplinaras per trattar quist tema fich actual cun lur scolaras e scolars da tuot ils ciclus.

[Dossier tematic 'La valor da l'aua'](#)

Dossiers tematics davart mobiltà, lö da viver e migraziun

Co as poja muantar da maniera insistenta? Che lö da viver as dessa tscherner? Perche as dessa viver utrò? Quistas e bleras otras dumondas stan i'l center dals trais dossiers tematics actualisats davart mobiltà, lö da viver e migraziun. La tematica significha üna bun'ocasiun da discuter ill'instrucziun davart temas actuals sco stil da viver, qualità da vita, integraziun e convivenza sco eir müdamaint dal clima. Interessant füss eir d'eruir la dumonda co chi's po influenzer cun seis agen möd da viver l'insistenza da nosa società.

[Link süls dossiers tematics](#)

La manzina verda: Premi da l'ambient da la Svizra Orientala per uffants e giuvenils

Il WWF tschercha progets da l'ambient da persunas giuvnas illa Svizra Orientala. 'La manzina verda' premiescha progets d'uffants, da giuvenils e da giuvens creschüts in connex cul tema ambient. Il premi vain surdat mincha duos ons da las secziuns dal WWF Appenzell, Glaruna, Grischun, San Galla e Turgovia, uschè eir dal 2024. La summa dal premi da totalmaing 7'000 francs vala sco recugnuschentscha e sustegn da las activitats. Las megltras schanzas pel premi han acziuns chi s'ingaschan per l'ambient. Plü innovativ e plü grondas cha las schanzas da guadagnar sun!

Termin d'inoltraziun: 3 marz 2024

[Ulteriuras infuormaziuns](#)

Campus da stà swch 2024 a Soloturn

Il 133avel Campus da stà interchantunal da 'Scoula e fuormaziun supplementara svizra' ha lö dals 8 fin 19 lügl 2024 a Soloturn. Illa sporta figüran circa 200 cuors davart differents temas actuals da scoula. Ils cuors pon gnir reservats online.

[Infos dals cuors ed annunzcha](#)

Cordials salüds

Chantal Marti-Müller
Manadra USS

Philipp Hugentobler
Manader inspectorat da scoula

Part regionala

Termins

Data	Occurrenza	Adressats
26-01-2024	Assegnaziun provisorica	6. cl./1.R
26-01-2024	Attestat da semester	Tuots
15-04-2024	Assegnaziun definitiva	6. cl./1.R
28+29-05-2024	Examen da recuors	6. cl./1.R
06-06-2024	Occurrenza d'infuormaziun regionala a Samedan	CS
10-06-2024	Occurrenza d'infuormaziun regionala a Zernez	CS

[Ulteriurs termins](#)

Cordials salüds

Inspectorat districtual Engiadina-Val Müstair-Samignun
Bettina Salutt, Urs Kühne, Curdin Lansel

